

PROGRAMACIÓN DIDÁCTICA ABREVIADA 1º BACH lingua galega e literatura

Libro de texto: LINGUA GALEGA E LITERATURA, 1 BACHARELATO, ANAYA , 2015, ISBN 978-84-678-2805-4

Non mercar o libro ata que o indique o/a profesor/a.

Temporalización:

Ao longo das quince unidades das que se compón o libro do alumnado, distribúense os distintos contidos da área de Lingua Galega e Literatura que abranguen tres campos que permiten ao alumnado adquirir as destrezas básicas para adquirir a competencia comunicativa: o coñecemento da lingua, a variedade dos discursos e o tratamento da información, e o discurso literario.

As unidades 1 e 2 inciden nas características dos textos (adecuación, coherencia e cohesión) e no estudo de todas aquelas variedades textuais, tanto orais coma escritas, que poden ser de utilidade para os estudantes na súa vida cotiá. O coñecemento da lingua segue no libro coas unidades 3 a 7 dedicadas aos conceptos fundamentais da morfoloxía: o substantivo e o adxectivo, o pronome persoal, os determinantes e outros pronomes, o verbo e o adverbio, as preposicións e as conxuncións. As unidades 8 e 9 dedícanse ao estudo da Historia da Lingua, desde os seus inicios ata a actualidade; a unidade 10 céntrase no estudo da variación e a diversidade lingüística. Estas unidades de Lingua complementáanse cunhas Actividades de repaso, que se desenvolven nunha páxina e teñen como obxectivo reforzar os contidos estudados a partir de actividades relacionadas cun texto.

A unidade 11 introduce os contidos de Literatura cunha unha visión histórica das producións máis significativas do noso acervo literario, desde a Idade Media ata o século XIX. En cada época estúdanse os xéneros e os autores máis representativos, de cuxas principais obras se extractan fragmentos sobre os que consideran actividades diversas. Préstaselle especial atención á literatura galega medieval e aos autores do Rexurdimento.

Polo tanto, corresponde o estudo de cinco unidades en cada avaliación: na 1ª avaliación as unidades 1 – 5; na 2ª avaliación as unidades 6 – 10; na 3ª avaliación as unidades 11 – 15

Non obstante, o profesorado poderá alterar esta orde se o considera conveniente para o mellor desenvolvemento das aulas.

Plan lector.

Son de lectura obrigatoria tres libros (un por avaliación) a escoller da seguinte lista:

- **A banda sen futuro**, Marilar Aleixandre
- **Un tipo listo**, Xosé Monteagudo, Galaxia
- **Non hai noite tan longa**, Agustín Fernández Paz, Xerais
- **Erros e Tánatos**, Gonzalo Navaza
- **Os outros feirantes**, Álvaro Cunqueiro
- **Ollos de auga**, Domingo Villar
- **Morning Star**, Xosé Miranda
- **Dos arquivos do trasno**, Rafael Dieste
- **Ambulancia**, Suso de Toro
- **As rulas de Bakunin**, A. Riveiro Coello.
- **Aire negro**, Agustín Fernández Paz
- **Ámote Leo A.**, Rosa Aneiros
- **Brooklyn Follies**, Paul Auster
- **A lei das ánimas. A novela da Santa Compañía**. Carlos G. Reigosa
- **Que me queres, amor?** Manuel Rivas
- **A arte de trobar**, Santiago Lopo
- **Cabalos e lobos**, Fran P. Lorenzo
- **Beleza vermella**, Arantxa Portabales
- **Camiño de paixóns**, Carlos Meixide
- **Seique**, Susana Sánchez Aríns
- **Remexido de patacas**, Eli Ríos

- Calquera outra obra recomendada ou previamente autorizada polo profesorado.

A criterio do/a profesor/a, excepcionalmente, cada libro lido voluntariamente poderá puntuar ata 1 punto pola extraordinaria extensión ou o elevado grao de dificultade da lectura.

O primeiro ata finais de novembro, o segundo ata finais de febreiro e o terceiro ata finais de abril.

Ademais cada libro lido voluntariamente da lista anterior puntuará ata 0'5 na avaliación (sempre que se teña un 4 na nota) correspondente.

Poderá facerse o control de lecturas voluntarias ata un mes antes da avaliación correspondente. Para sumar as lecturas e outras puntuacións voluntarias cómpre ter una nota mínima de 4 puntos nos exames da materia.

A biblioteca do instituto é un recurso imprescindible para levar a porto este proxecto de lecturas. Fomentarase a participación do alumnado no blog da Biblioteca <https://cadernodelecturas.blogspot.com/> (para os blogs de comentarios dos libros)

Para premiar as actitudes, a colaboración activa co **Grupo de Dinamización Lingüística** e a participación nos **Clubs de lectura** poderán supoñer ata un punto positivo na nota da avaliación, de acordo coas indicacións do profesorado coordinador.

CRITERIOS DE AVALIACIÓN.

Mínimos esixidos en xuño:

1. Dominio da morfoloxía sendo capaces de dar explicacións en certos usos especiais: valores das perífrases, uso dos infinitivos persoais e dos pronomes, etc.
2. Ortografía e expresión correctas en textos variados.
3. Recoñecemento e explicación das variedades da lingua. Comprensión dos conceptos de sociolingüística vistos no curso.
4. Responder correctamente a cuestións léxicas dun texto: significados, sinónimos, substitucións, renovación léxica. Tamén a cuestións de comprensión: resume, esquema, tema, crítica...
5. Redactar un texto correctamente sobre un dos temas sinalados no programa ou outro calquera tema.
6. Coñecer os autores e comentar as obras máis representativas da literatura galega da Idade Media ao século XIX, establecer relacións e interpretar textos e obras.
7. Entregar dentro do prazo os traballos pedidos.
8. Lectura comprensiva dos libros de lectura obrigatoria.

Os PROCEDEMENTOS e instrumentos utilizados serán probas orais e escritas e o traballo diario na aula.

Instrumentos: Os instrumentos utilizados serán as probas orais e escritas e o traballo diario na aula: composicións, traducións, ditados, test, vocabulario, verbos, presentacións, diálogos, controis, elaboracións multimedia, proxectos persoais ou de grupo, etc.

A avaliación é continua. Na terceira avaliación xa se teñen en conta as anteriores para poñer a nota, que será a nota final do curso.

Criterios de cualificación:

Para a avaliación numérica (de 0 a 10, sendo 5 o aprobado) teranse en conta todos os criterios, sendo imprescindible para aprobar a lectura dos textos escollidos, a realización adecuada dos traballos encomendados, a resposta correcta ás cuestións sobre os textos e a asistencia a clase. A nota será a media ponderada de todo (ata 70% para os controis e ata 30% o resto). Á nota resultante sumaráselle os libros voluntarios (e clubs de lectura e EDL) **sempre que sexa superior a un 4.** A partir de xuño non se admitirán libros voluntarios.

En **setembro** o Departamento elaborará unha proba baseada só no libro de texto oficial. Para aprobar cómpre un 5 na proba (de 4,5 a 4,9 redondearase a 5, de 4,1 a 4,4 redondearase a 4)

-A programación didáctica íntegra está na web do Instituto Sánchez Cantón / Departamento de Lingua Galega e Literatura -